

নং- ৩৭.০০.০০০০.০৭৬.০৮.০০৯.১৪-৮৪৮

তারিখ : ২১ ভাদ্র, ১৪২৩ বঙ্গাব্দ
০৫ সেপ্টেম্বর ২০১৬ খ্রিস্টাব্দ

প্রজ্ঞাপন

কারিগরি শিক্ষা অধিদপ্তরধীন ফেনী পলিটেকনিক ইনস্টিটিউট এর জুনিয়র ইন্সট্রাক্টর (মেকানিক্যাল), জনাব মোঃ নাদিরুজ্জামান বিগত ১৭/০৯/২০১৪ তারিখ হতে ০৭/১২/২০১৪ তারিখ পর্যন্ত (মোট ৮২ দিন) কর্মস্থলে অনুপস্থিতি এবং ২০১৪-১৫ শিক্ষাবর্ষে ভর্তি ইচ্ছুক ০৬ (ছয়) জন ছাত্রের নিকট হতে ১,৬০,০০০/- (এক লক্ষ ষাট হাজার) টাকা অবৈধভাবে গ্রহণ করেছেন। প্রাথমিক তদন্ত কমিটির প্রতিবেদনে তার বিরুদ্ধে আনীত অভিযোগসমূহ প্রমাণ হওয়ায় শিক্ষা মন্ত্রণালয়ের ২১/০৮/২০১৫ তারিখের ৩৭.০০.০০০০.০৭৬.০৮.০০৯.১৪-৫৯৭ সংখ্যক স্মারকের মাধ্যমে সরকারি কর্মচারী (শৃঙ্খলা ও আপিল) বিধিমালা ১৯৮৫ এর বিধি ৩ (বি) ধারা মতে 'অসদাচরণ', ৩ (সি) ধারা মতে 'ডিজারশন' এবং ৩ (ডি) ধারা মতে 'দুর্নীতি' পরায়ণতার অভিযোগে তার নিকট অভিযোগনামা ও অভিযোগ বিবরণী প্রেরণ করা হয়। তিনি বিগত ২৭ সেপ্টেম্বর ২০১৫ তারিখে উক্ত অভিযোগনামা ও অভিযোগ বিবরণীর জবাব দাখিল করেন এবং ব্যক্তিগত শুনানির জন্য প্রার্থনা করেন। বিগত ১০ জানুয়ারি ২০১৬ তারিখে তার ব্যক্তিগত শুনানি সন্তোষজনক না হওয়ায় বিভাগীয় মোকদ্দমার ধারাবাহিক কার্যক্রমের আওতায় তদন্ত কর্মকর্তা নিয়োগ করা হয়।

০২। তদন্তকারী কর্মকর্তার তদন্ত প্রতিবেদনসহ সংশ্লিষ্ট সকল রেকর্ডপত্র পর্যালোচনায় জনাব মোঃ নাদিরুজ্জামান এর বিরুদ্ধে সরকারি কর্মচারী (শৃঙ্খলা ও আপিল) বিধিমালা ১৯৮৫ বিধি এর ৩ (বি) ধারা মতে 'অসদাচরণ', ৩ (সি) ধারা মতে 'ডিজারশন' এবং ৩ (ডি) ধারা মতে 'দুর্নীতি'র অভিযোগ সন্দেহাতীতভাবে প্রমাণ হওয়ায় তাকে সরকারি কর্মচারী (শৃঙ্খলা ও আপিল) বিধিমালা ১৯৮৫ বিধি ৭ (৬) এর আলোকে গুরুদণ্ডের আওতায় কেন চাকরি থেকে অপসারণ (Removal from Service) করা হবে না সে বিষয়ে ০৭ কার্যদিবসের মধ্যে জবাব দাখিলের জন্য ২য় কারণ দর্শানোর নোটিশ প্রদান করা হয়।

০৩। অতঃপর জনাব মোঃ নাদিরুজ্জামান ০৭ আগস্ট ২০১৬ তারিখে উক্ত ২য় কারণ দর্শানোর জবাব দাখিল করেন। দাখিলকৃত ২য় কারণ দর্শানো নোটিশের জবাবে সংশ্লিষ্ট কর্মচারীর আত্মপক্ষ সমর্থনে যুক্তিগ্রাহ্য ও সমর্থনযোগ্য কোন উপাদান বিদ্যমান নেই। ফলে তদন্তকারী কর্মকর্তার তদন্ত প্রতিবেদনসহ সংশ্লিষ্ট সকল রেকর্ডপত্র পর্যালোচনায় জনাব মোঃ নাদিরুজ্জামান এর বিরুদ্ধে সরকারি কর্মচারী (শৃঙ্খলা ও আপিল) বিধিমালা ১৯৮৫ বিধি এর ৩ (বি) ধারা মতে 'অসদাচরণ', ৩ (সি) ধারা মতে 'ডিজারশন' এবং ৩ (ডি) ধারা মতে 'দুর্নীতি'র অভিযোগ সন্দেহাতীতভাবে প্রমাণ হওয়ায় তাকে উক্ত বিধিমালা ১৯৮৫ বিধি ৮ (৩) অনুযায়ী গুরুদণ্ডের আওতায় চাকরি থেকে অপসারণ (Removal from Service) করার সিদ্ধান্ত গ্রহণ করা হয়।

০৪। এমতাবস্থায়, সরকারি কর্মচারী (শৃঙ্খলা ও আপিল) বিধিমালা, ১৯৮৫ বিধি ৮ এর উপবিধি ৩ (সি) অনুযায়ী কারিগরি শিক্ষা অধিদপ্তরধীন ফেনী পলিটেকনিক ইনস্টিটিউট এর জুনিয়র ইন্সট্রাক্টর (মেকানিক্যাল) জনাব মোঃ নাদিরুজ্জামান কে সরকারি চাকরি (জুনিয়র ইন্সট্রাক্টর-মেকানিক্যাল, ফেনী পলিটেকনিক ইনস্টিটিউট) থেকে অপসারণ (Removal from Service) করা হলো।

০৫। এ আদেশ অবিলম্বে কার্যকর হবে।

স্বাক্ষরিত/-
(মোঃ সোহরাব হোসাইন)
সচিব


উপ-নিয়ন্ত্রক,
বাংলাদেশ ফরম ও প্রকাশনা অফিস, তেজগাঁও, ঢাকা।
(প্রজ্ঞাপনটি পরবর্তী গেজেটে প্রকাশের জন্য অনুরোধ করা হলো)।

নং- ৩৭.০০.০০০০.০৭৬.০৮.০০৯.১৪-৮৪৮

তারিখ : ২১ ভাদ্র, ১৪২৩ বঙ্গাব্দ
০৫ সেপ্টেম্বর ২০১৬ খ্রিস্টাব্দ

অনুলিপি অবগতি ও প্রয়োজনীয় কার্যার্থে প্রেরণ করা হলো।

- (১) মহাপরিচালক, কারিগরি শিক্ষা অধিদপ্তর, আগারগাঁও, ঢাকা (জনাব মোঃ নাদিরুজ্জামান এর ব্যক্তিগত নথিতে/ডেসিয়ারে প্রজ্ঞাপনটি সংরক্ষণের অনুরোধসহ)।
- (২) অধ্যক্ষ, ফেনী পলিটেকনিক ইনস্টিটিউট, ফেনী।
- (৩) সচিবের একান্ত সচিব, শিক্ষা মন্ত্রণালয়, ঢাকা।
- (৪) সিনিয়র সিস্টেম এনালিস্ট, শিক্ষা মন্ত্রণালয়, ঢাকা (ওয়েব সাইটে প্রকাশের অনুরোধসহ)।
- (৫) জনাব মোঃ নাদিরুজ্জামান, জুনিয়র ইন্সট্রাক্টর (মেকানিক্যাল), ফেনী পলিটেকনিক ইনস্টিটিউট।


(ড. মোঃ ওমর ফারুক)

উপ সচিব
ফোনঃ ৯৫৬১৪৪১